

THUMAPUI: Sunday School ziltit tun azil ding uh amasang ah tup leh ngim phatak cha akigin zaw phat le banggual method kimang le zillaite dinga phachuam ding ti agel khawk pen ding ahi. Ziltit tu ten, Jesun le hildan chuam chuam mang in mi ala hil sek ahi. Ei un le Pathian thu dik iziltit nau ahin, ziltit tu lawting ihi thei na dingun hil dan zat chuam chuam mat ding ahi.

1. TUANTHU GEN: Tumgit (Music) leh milim zikna ding ah ziltiam angai gual in, tuanthu hilna ding ah le hiltiam angai hi. Zillai te kiang ah thagau thu dik igen na dingua hin, hil dan ding hi athu pi pen ah gel thei ahi. Tuanthu hi akum dung zui ua, alung lut na dungzui a tel thiam ding ahi.

2. GENTHAW AH HIL: Zia chia pi dan hi naupang te sangin mipiting te ding in apha diak hi. Aziak chu amau lung lut na lam ahi zawi. Zia method hi ziltit tun amat ding uh a thi paw maw ni aum hi. i) Lesson kipat na ah ziltit tun athupi point agen dawh masak ding ahi. ii) Atawpna leh holim khawm na, genkhawm ding hun leh dawtna dawnbut na hun ahawn ding ahi. genthaw hi chawm cha abawl ding ahi. Zia hi tup leh ngim gen daw na ding ah pha ahi. Zia zia ah chun pha tak cha kisak lawk ma sak ding ahi.

3. AMAL MAL: Zia hi mitha da method tin aki gen hi. Aziak chu ahun ma sang ah kising sak lawk na nei ma sa lo ah azil til ahi. Ziltit tu chun bang genma sak ding hem ti angai tua masak lo zia ah aban ban ah akhawk bek lo le maw genthak mai ahi. Atup leh angim na san leh ahemil sek ahi. Zia ziltit dan hi athei chan ah mat lo apha.

4. DAWTNA LEH DAWN HU NA: Dawtna hi chini in akhen thei hi. i) Athudik tak mi hung chotho thei dawtna ahi. eg. Kua hem....? Amin bang hem....? ii) Milung chawktho thei dawtna chu -bangziak ah? Akhutithei na chu bang tin la gel em? iii) Izil lai ua pat bang i bawl dawthei ding uh ahem? akhaw nung tiang ah nawp maw asak thei ding uh dawng kin.

5. NGAITUAKHAWM : Zia umdan hi Bible daw dan tak ah, angai tua khawm ding uh -eg. Baptisim bang gen na ahem? bang gual hem? Kua hem? khawi aki pat? Bang zia ah? Bang gual ahem? Aga bang ahem? a point dik tak agen dawtheina ding ua hun piak ding ahi.

6. THIL KHAT MANGA KAWKMU: Chinese thupil in hi ti hin agen - “sang khat vei gen sang in khat vei mu apha zawi”. Zildawna hi taksa bak hetna taksa bak khat ahi lo leh khat sang ah tam zaw ah hung ki pan ding ahi. Zia chu muna, hetna, lunggelna, tepkhakna, te apat ah zil na hung ki pan ahi.

Ziltit tu lawting ihi thei na ding ah ziltit tu khat chun anuai ah thil pathum te hi abawl ding uh ahi. i) Hetna ii) Etsak na (Eiman bawl ah etsak ding) iii) Bawlsak te hi akithua khawm phat tak le min azil daw ua ah et te hi ahi.

Mihiamin bil ah hiat in za lak ah 10% azil ah, het le mu ah 50%, khut ah khawi thaw in 90% kihil na chau in apha chuam puai.

7. VELET KIT NA: Zia hi kizil til na pawimaw tak khat ahi. Ahin la aki ngai sak bek lo khat ahi. Zia bei hin iki ziltit na abuting thei lo ahi. Kizil til na sethum sua sekhat hi vel et kit na mat ding ahi. Velet kit apaw maw na zia te;

1. Avel vel ah ki gen min hi aki hezing ah aki hesawt hi. 2. Azilsa teu bang tiang in azil daw uh em ti het na ahi. 3. khat veithu ah het dawlo hetthak sak kit. 4. Ngai dan dik lo te mu dawkin asu dik kit hi. 5. Zillai ah pawimaw te hetthak sak kitna ahi.

Hildan zat chuam chuam mang ah mihil hi lawtin na tak ahi. Ahi zia in chingthei tak ah mat ding ahi. Ziltit dan ki gen cheng hi khatvei thu ah mat thei ahi puai /mat khawm thei ahi puai. Ahun leh mun dung zui ah mat ding ahi. Mat takluat le pha chuam diak lo ahi.

GENKHAWM DI:

1. Ziltit dan zat chuam chuam lak ahi bang hi imang thei uh em?
2. Banggual zil tildan hi kimang le apha chuam diam?
3. Ei lak ah matthei ding bang um in la he em?